

Svar

umhverfis- og auðlindaráðherra við fyrirspurn frá Brynjari Níelssyni um kostnað ráðuneytisins við skrifleg svör við fyrirspurnum.

1. *Hversu margir starfsmenn ráðuneytisins koma að því að undirbúa skrifleg svör við fyrirspurnum þingmanna og hver er áætlaður heildarfjöldi vinnustunda sem í það hefur farið árlega síðastliðin fimm ár?*

Ekki er haldið sérstaklega utan um fjölda og vinnutíma starfsmanna sem fer í að undirbúa skrifleg svör við fyrirspurnum þingmanna. Svör við fyrirspurnum krefjast mismikillar vinnu eftir eðli þeirra og umfangi og getur numið frá nokkrum klukkustundum upp í nokkra vinnudaga fyrir hverja og eina. Í mörgum tilvikum þarf að senda fyrirspurnir til stofnana ráðuneytisins til að fá upplýsingar sem krefst vinnu af hálfu starfsmanna viðkomandi stofnana.

Fjöldi fyrirspurna á hverju löggjafarþingi síðustu ár hefur verið milli 27 og 45 ef frá er talið 147. löggjafarþing. Að öðru leyti vísast til eftirfarandi töflu:

Fyrirspurnir <i>Staða 26.6.2020</i>	Svarað skriflega	Svarað munnlega	Bíða svars	Svar barst ekki	Felldar niður	Alls
150. löggjafarþing 2019–2020	14	9	22	0	0	45
149. löggjafarþing 2018–2019	35	5	0	0	0	40
148. löggjafarþing 2017–2018	30	3	0	0	0	33
147. löggjafarþing 2017	4	0	0	1	0	5
146. löggjafarþing 2016–2017	27	4	0	1	0	32
145. löggjafarþing 2015–2016	20	7	0	0	0	27
144. löggjafarþing 2014–2015	28	10	0	1	1	40

2. *Hver er heildarkostnaður ráðuneytisins við skrifleg svör við fyrirspurnum frá þingflokki Pírata á yfirstandandi löggjafarþingi og hversu margar vinnustundir starfsmanna hafa farið í að svara þeim?*

Ekki liggur fyrir hver heildarkostnaður ráðuneytisins við skrifleg svör við fyrirspurnum frá þingflokki Pírata á yfirstandandi löggjafarþingi var eða hversu margar vinnustundir starfsmanna hafa farið í að svara þeim.

3. *Hvað eru fyrirspurnir til skriflegs svars frá hverjum þingmanni í þingflokki Pírata hátt hlutfall slíkra fyrirspurna til ráðherra?*

Af 36 skriflegum fyrirspurnum á yfirstandandi löggjafarþingi til ráðuneytisins er helmingur frá þingflokki Pírata. Þannig hafa alls borist 18 fyrirspurnir til skriflegs svars frá tveimur þingmönnum í þingflokki Pírata á yfirstandandi löggjafarþingi, 17 frá Birni Leví Gunnarssyni og 1 frá Smára McCarthy.